



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1675. usque ad annum 1681

Fleury, Claude

August. Vind. [u.a.], 1780

VD18 90119207

§. 54. Innocentii XI. epistola contra intrusos Apamiensis Ecclesiæ Vicarios.

[urn:nbn:de:hbz:466:1-67305](https://nbn-resolving.org/urn:nbn:de:hbz:466:1-67305)

Synodus, ut in omnibus Bibliopola-
 rum officinis diligens fiat inquisitio in
 libros scandalosos, infames, atque hæ-
 reticos. Denique statutum, ut quando
 petitur portio Canonica, antiqui redi-
 tus abdicentur in favorem decimato-
 rum, prius tamen petita Episcopi li-
 centia: Paschalis autem communio in
 illa Parochia suscipiatur, in qua quis
 majore anni parte degit.

§. LIV.

*Innocentii XI. epistola contra intrusos
 Apamiensis Ecclesie Vicarios.*

Postquam Michael Daubredus a Capi-
 tulo Apamiensi electus Vicarius Ge-
 neralis, eo quod contra Regalistas Ec-
 clesie immunitatem ad defuncti Anti-
 stitis sui exemplum strenue defendisset,
 primo in exilium ac postea in carceres
 detrusus fuerat, idem Capitulum Joan-
 nem Cerlem Canonicum ac Præcento-
 rem Daubredo suffecit: Cum autem
 Innocentius XI. Papa perceptis Rega-
 listarum artibus ac violentiis probe pro-
 spiceret, haud dubie ab iis alios intru-
 sum iri, hinc non modo præfati Cerlis
 electionem confirmavit, sed etiam
 cuncta ab iis, qui profana potestate
 muniti hoc officium usurpaturi essent,
 attentanda omnino irrita declaravit.
 datis

*Gall. vind.
 p. 82. & 304.
 Acta Cleri
 Gall. t. 7.
 Hode Hist.
 de Louis
 XIV. l. 40.
 Mem. Chron.
 & Dogm.*

Sæc. XVII. datis die prima Januarii ad Cerlem,
 A. C. 1681. ceterosque Canonicos hisce literis:

„Quoniam novas in dies prodire accipi-
 „mus Sathanæ artes, & machinatio-
 „nes, ut quæ a piæ recordationis Fran-
 „cisco Episcopo Vestro pro istius Eccle-
 „siæ, & Diæcesis utilitate salubriter
 „statuta fuere, penitus evertat, & eo-
 „rum, quæ hucusque acciderunt, ex-
 „perientia nos admonet, non defuturos
 „filios perditionis, errare facientes in
 „via plurimos, qui miscere, ac turbare
 „nituntur omnia, perperam interpre-
 „tando literarum ac mandatorum no-
 „strorum sensus, ut excusent pro more
 „suo excusationes in peccatis. Nos ne
 „ullum huiusmodi hominum molitioni-
 „bus locum relinquamus, ad literas,
 „quas die secunda mensis Octobris, su-
 „per negotio Vicariatus Capitularis ad
 „vos dedimus, uberius explicandas per
 „Præsentes addendum duximus. Quod
 „si quis præter Vicarios Capitulares,
 „qui a vobis verum Apamiensis Eccle-
 „siæ Capitulum constituentibus, Cano-
 „nice, & de more electi fuerunt, vel
 „pro re nata eligentur, quos autori-
 „tate Apostolica, quatenus opus sit,
 „confirmamus, & respective confirma-
 „bimus, Vicariatus ejusmodi nomen,
 „auctoritatemve quocumque titulo e-
 „lectionis, vel deputationis factæ ab
 „ia-

„intrusis in Canonicatus ejusdem Ca-
 „thedralis, quos idem Episcopus pro-
 „mulgavit obstrictos censuris Concilii
 „Lugdunensis; vel ab ipso Metropoli-
 „tano, vel ab alia quacunq[ue] potestate
 „usurpare præsumpserit: omnia ab ipsis
 „eo nomine acta vel agenda, decreta
 „vel decernenda, cum omnibus & sin-
 „gulis inde secutis, & quomodolibet
 „secuturis, temeraria, & a non haben-
 „tibus potestatem attentata, ideoque
 „irrita & inania, ac nullius roboris
 „fuisse, nec unquam fore declaramus;
 „eisque, qui prætextu electionis, vel
 „deputationis ejusmodi ullam juris-
 „dictionem exercere ausi fuerint, in
 „virtute sanctæ Obedientiæ, & sub
 „pœna majoris excommunicationis, pri-
 „vationis dignitatum & Beneficiorum,
 „quæ obtinent, & ad alia obtinenda in-
 „habilitatis perpetuæ ipso facto incur-
 „rendæ districte prohibemus, & inter-
 „dicimus, ne id facere ulterius præ-
 „sumant. Eos quoque, qui iis quo-
 „modolibet paruerint, aut favorem,
 „consilium, & auctoritatem quocunq[ue]
 „modo præstiterint, cujuscunq[ue] ordi-
 „nis, gradus ac dignitatis sint, tam
 „Laicos, quam Clericos, tam Sæcu-
 „lares, quam Regulares, etiam Patres
 „Societatis Jesu, & Metropolitanum
 „ipsum, quem cæteroqui præter causæ
 „meri-

Sæc. XVII.
 A. C. 1681.

Sac. XVII. „meritum, perspecta voluntas nostra,
A. C. 1681. „& per nos admiffa appellatio ab ejus
 „sententiis, debent in officio continere,
 „similibus respective pœnis eo ipfo &
 „absque alia declaratione innodamus,
 „& innodatos fore decernimus, ac man-
 „damus; ac earundem pœnarum ab-
 „solutionem, & relaxationem Nobis &
 „Romano Pontifici pro tempore existen-
 „ti duntaxat specialiter reservamus:
 „monentes insuper utriusque sexus fi-
 „deles, de quarum æterna Salute sol-
 „liciti esse debemus, invalidas esse ac
 „fore confessiones, quas Presbyteri Sæ-
 „culares, vel Regulares vigore facul-
 „tatis a prædictis nulliter electis, vel
 „deputatis Vicariis, audierint, vel in
 „posterum audient: nulla & invalida
 „matrimonia coram Sacerdote aut Pa-
 „rocho, non Canonice ingresso, con-
 „tracta, vigore licentiæ ab eis con-
 „cessæ, ac proinde sic contrahentes in
 „concubinato victuros: idemque de Pa-
 „rochiis, & aliis Beneficiis per eos
 „collatis decernimus, & ordinamus;
 „& de Licentiis concionandi, & de
 „quocunque alio actu, aut decreto per
 „eos facto, vel faciendo. Vos interim,
 „dilecti Filii, loci & muneris vestri me-
 „mores, in creditam vobis curam dili-
 „genter incumbite, & haustam ab e-
 „gregio Pastore, & Patre vestro disci-
 „pli-

„plinam, Apamiensis Ecclesiæ bono, Sæc. XVII.
 „& aliarum incitamento constanter re- A. C. 1681.
 „tinete.”

Verum vix ulla Parisiis Pontificiæ indignationis ratio habebatur, quin imo Parisiense Parlamentum die vigesima quarta Januarii publico edicto scriptum Romæ impressum sub forma Bullæ ab Innocentio XI. die decima octava Decembris anni præcedentis editæ suppressit, typisque edi, aut legi, vel retineri inhibuit: idem quoque fatum subiit mox allegata Innocentii epistola. Quamprimum vero Pontifex intellexerat, has suas literas a Parlamento fuisse suppressas, earum exempla Tolosanæ & Apamiensibus Jesuitis submisit, præcepitque, ut ea divulgarent, publicique juris facerent. Hi vero rem silentio presserunt, se dubitare simulant, an hæc literæ re ipsa Roma venissent. Inde vero irritatus Pontifex Patri Olivæ Societatis Generali injunxit, ut præfatæ epistolæ exempla Parisiensi & Tolosano Provincialibus traderet, ac disertis verbis præciperet, ut ea promulgarent, suisque subditis injungerent, quatenus, ea ab ipsius Pontificis calamo re ipsa profluxisse, declararent, ut hac ratione scandalum, quod affectata sua incredulitate Tolosani & Apamienses Jesuitæ dedissent, aliquatenus

Sæc. XVII. tenus repararetur: Denique etiam præ-
 A. C. 1681. fato Generali Præposito præcepit Pon-
 tificex, ut responsa, quæ desuper a suis
 subditis tulisset, Inquisitionis Assessori
 manifestaret. Hæc Pontificis mandata
 per ipsos, ut creditum est, Jesuitas in-
 notuere Parlamento, quod illico die
 decima octava Junii decrevit, ut Pari-
 siensium trium Collegiorum Superiores
 nulla mora in Curia comparerent, ac
 de Pontificis epistola & mandato ra-
 tionem redderent. Paruere hi, mox
 que Parlamentum condito decreto Je-
 suitis inhibuit, ne quovis pacto Pon-
 tificis mandatum exequi præsumerent,
 nec cujuscunque Ordinis vel Congre-
 gationis Superiores aut Religiosi ullam
 Bullam vel Pontificis epistolam, præ-
 ter illas, quæ internam atque ordina-
 riam sui Conventus disciplinam concer-
 nunt, publici juris facere aut exequi
 auderent, ni omnibus gratiis & privi-
 legiis hucusque concessis spoliari velint.

§. LV.

*Joannes Cerles a Regalists graviter
 vexatus, atque officio amotus.*

*Gall. vind.
 pag. 302.*

Nondum Joannes Cerles Innocentii
 Pontificis epistolam acceperat, cum
 jamjam illi, qui nuper ob usurpata Ec-
 clesiæ beneficia anathemate percussii
 fuerant,